

Poruka ambasadora ITO Makota



Hvala što ste posjetili web stranicu Ambasade Japana.

Iako su jutra i večeri i dalje hladna, s proljećem je došlo i ljepše vrijeme u Sarajevo. Priroda se budi i krošnje drveća ponovo cvjetaju.

U Bosni i Hercegovini trenutno se poboljšava situacija s pandemijom koronavirusa, te su shodno tome ublažene mnoge restriktivne mjere. Međutim, bez obzira na ublažene mjere, moramo biti veoma oprezni. U tom smislu, mi u našoj Ambasadi nastavljamo preduzimati odgovarajuće mjere, osiguravajući nesmetan rad Ambasade.

Ublažavanjem mjera u Bosni i Hercegovini, omogućeno je ponovno održavanje seminara, univerzitetskih predavanja, i kulturnih manifestacija uživo. Naravno, i naša Ambasada će organizovati više takvih manifestacija nakon što se pandemija smiri.

Naša Ambasada je u protekloj godini odobrila četiri projekta temeljne grant pomoći za projekte ljudske bezbjednosti u nekoliko gradova, te kompletirala nekoliko projekata iz prethodnih godina. Tom prilikom, tokom posjeta lokalitetima u cilju primopredaje projekata, upoznao sam čelnike lokalnih vlasti, kao i stanovnike, koji su pokazali veliki interes za Japan, japansku kulturu i poslovne veze. Također, upoznao sam profesore i istraživače sa Univerziteta u Sarajevu, ali i drugih obrazovnih institucija, te smo izrazili želju za budućim razvojem kurseva japanskog jezika i ostalih studija vezanih za Japan.

Kao što je već poznato, u ovim veoma teškim međunarodnim prilikama, okolnosti u okruženju Japana su također složene. Imajući u vidu da je teško predvidjeti daljnju situaciju, Vlada Japana nastavlja sa diplomatskim naporima fokusiranim na mir, zajedno sa zemljama s kojima dijeli osnovne vrijednosti, kao što su vladavina prava, demokracija

i sloboda govora. U tom smislu, nastavljamo sarađivati sa vlastima i građanima Bosne i Hercegovine na ekonomskom i socijalnom razvoju ove zemlje, uz potpuno poštovanje njenog teritorijalnog integriteta i podršku neophodnim reformama.

Radujem se nastavku vaše podrške i saradnje.

1. april 2022.

Ambasador Japana u Bosni i Hercegovini

ITO Makoto